



14000

katkomp

III

Mag. St. Dr.

P


Jacobus

Thomas Franc. Nicobe Academia

PANEG. et VITAE

Polon. Fol.

N^o. 43.



I
S
C
N
I
Ex
500

N I O B E ACADEMICA,

in tristi mortis spectaculo

Perillustris olim & Reuerendissimi Domini.

D. IACOBI BALTAZAROWIC,

S. Th: DOCTORIS & PROFESSORIS,
Ecclesiæ Cathedralis Cracouiensis Canonici,
Collegiatæ SS. Omnium PRÆPOSITI,
Curati Proscouiensis, Contubernii Staringeliani
Prouisoris, Collegij Maioris Senioris Patris;

D V M

In Ecclesia Collegiata S. ANNÆ,

Lugubri apparatu & ingenti Academicorum Ordinum dolore,
Mortales eius exuiæ
conderentur;

A

M. THOMA FRANCISCO ORMINSKI,

in Vniuersitate Cracouiensi,

Philosophiæ Doctore & Professore,



14000

Sepulchrali obsequio, in lucem publicam

PROD VCTA.

Anno Salutis 1687. Die 9. Mensis Maij.

C R A C O V I Æ,

Ex Officina Francisci Cezary, S. R. M. Illustriss. ac Rádiss. Dñi. Episcopi Crac: Du-
cis Seneriæ, Neenon Schol. Nouoduorsc. Typogr.

500

N I O B E A C A D E M I C A.

TEnerrimo amori, cortina viscerum mollis,
vt facile rimas omnes, ita dolori mille ostia pandit:

Superficie nimirum tenus amantium,
lambit corda non transfigit, afficit non immutat dolor;
*Sed in cor profundè admissa tristia vulnera,
non lacerant tantum fibras, verum sine sensu ac vitali spiritu,
rigidas veluti Caucasii rupes reddunt.*

Vnde non immeritò

Niobe Tantali, Academicam Iagelonis induit
vbi nomen proprium exuit,
*Et doloris non obuij conscia, obrigit in saxum,
vnum, pro bis septem,
in victimam Libitinæ casum, contuita natum.
vis est immensa doloris,
eoq; maior, quò præsentior, ima pectorum petit:
Adèd noua fatorum incus, insolitam Proserpinæ falcem eduxit;
vt Nonas Maij in Sextilis Calendas verteret
messèmq; immanem Manium, tempore præmaturo colligeret.
Non Parcarum triste opus hoc,
Cælo destinatum, nuperrimè completum,
in Perillustri olim Et Reuerendissimo Domino*

D. IACOBO BALTAZAROWIC,
S. Th: Doctore & Professore, Canonico Cathedrali Cracouiensi &c.

Perfunde si potes: genas lachrymis, Niobe Academica,
Spira, viuas viri spiraculo vitæ carentis virtutes,
Undè cum nato natas crederes, si nascenti cum Lucina adfuisse;
Quas tamen iuuenilis prætexta,
ne cum Alcmenis nato, in cunis oriundas detegeret,
modestiae contextit velis.

Accinctus ludo literario
in Sedis Regni primariæ, Literarum Ocello, Filia Regum Academia,
timorem Domini, basim Sapientiæ arbitratus,
ne minimum ab eo, integro vitæ suæ tractu deflexit,
quin potius aurum auro addidit.

vbi, pio affectu, crebris suspirijs & in Deiparam Virginem, continuo
& B. Patriarcham nostrum Ioannem Cantium cultu excelluerit,
*ne hostis antiquus haberet, quid in rassa iuuentutis tabula notaret,
omninò quærens quem deuoret.*

Talibus septum præsidij
profectus in literis ambit insignis, alios alibi fugere doctus,
à supina desidium fugatus ignauia.

Inde solidè compactum Eruditionis robur,

elogio

elogio suo altius enituit,
cū Laureas Philosophicas capiti imposuit,
capiti, ceu auro optimo.

*Hic demum laboris templum dixisses,
ubi nihil honorificum, nihil acceptabile, nihil dulce, nisi labore conditum:*
Deos omnia laboribus vendere si alicubi,
certè in Academia nostra laudatissimum,
*quasi æternis caelestium decretis cautum foret,
ne quod viris Academicis labore vacuum iret tempus.*

Ita laboris indefesso cultori,
pretium eiusdem honos offertur,
limina scilicet, Togatæ Virtutis Professorum, Domus Minoris.

Quid ita?

Macedonis hinc opus acinace,
qui mille difficultatum soluat Gordios.
*At non defuit inexhausta Domus Sapientia
Virgo & Mater Dei purissima,*
Illam, quoties votis feruentibus vrgebat, difficultatum teterrima adurebat,
vt tandem dignus inueniretur
qui Præses philosophantium audiret.

*Graua quidem illius fuere lacertis, imposita cum purpuratis honoribus onera,
leuigata tamen plus solito
(expertis credere fas est).*

Diuinissimi Patriarchæ nostri contacta epomide.
Gloriabantur non semel rostra optatum nata Magistrum,
superbiebat sanctius purpurata maiestas,
quod ceu inclusa auro gemma,

Scientiâ, modestiæ cancellis limitatâ, scintillaret.

Conclusum hætenus, quod Cælis inclinantibus,
in animis omnium iam pridem steterat,
vt relinquens minoris Domus tecta

Maioris, Patrū dignus gremio sociaretur.

Non tūc sublimior mores transformauit honos,

imò quantò superior, tantò demissior

vnus singulis & omnia omnibus.

Diuinæ Scientiæ Professor factus,

non vsipiam doctior,

quàm dum benè viuere, benè mori cogitaret,

nullibi maior lectionis gratia, quàm in ædibus Gratiae

quia D. ANNÆ gratiosis;

pluteus ille solum amabilis, qui ad Aras, D. IOANNIS CANTII

suarum Orationum thymiamata redoleret,

ipse totus mens in Cælo,

hoc solo terrenus, quod oculos in terra figeret,

vt se de terra ortum meminisset.

Contubernij Staringeliani Prouisor sollicitus,

ita omnibus alumnijs prouidebat,

ut seu ad morum elegantiam seu laudatam modestiam,
rarum in seipso præstans exemplum, singulis sufficeret.

Sic honor, qui se insequentes fugit, fugientes insequitur.

Regiminis Academici & Sceptrorum,

viro, omni exceptione maiori

concordi Academicorum ordinum consensu, tribuitur:

*quo ut gloriose functus est, ita posteris eius, in rem boni publici administrandi,
exemplum reliquit.*

Ergone iam binis cinctum caput Laureis, canet coronidem? minimè;

Succedit summo de Vaueli culmine Coronarum ternio,

iungitur anterioribus succedens arctissimè,

videtq; non inglorium, Laureis gloriari.

*Requirebatur ad Complementum Togatæ Virtutis, omni ex parte, emerito vertici
Laurus Theologica,*

quanquam pridem eruditorum Sententijs laureato;

& hæc conceditur gratiosè,

sicut in Ædibus gratiosis, ita memorabili confluxu Lechici Senaculi,

vel ex solo Serenissimi Poloniarum Regis IOANNIS, nomine gratioso.

Defuerat insuper Senario Coronarum numero septima,

omnibus gloriosior, quia immortalis,

ut vel ita Vir Sapiens referatur ad Sapientiam,

quæ adificans sibi Domum, excidit in ea Columnas septem.

Maturat tandem gressum, licet immaturè, prodromus beatoris vitæ morbus
premit vitales spiritus,

spirare vix permittens, bene sperare promittit.

illum, qui nunquam non videre DEVM optabat,

Æternitatis Coronam, vitæ coronidem.

In ipsa veris medulla,

en flos maturus odore fragrans operum bonorum & virtutum,

Manna cælesti refectus, sacroq; perunctus Ceromate,

plenus dierum, communi omnium dolore succiditur:

quintâ Maj die, circa Meridiem, potissimum

ut æternæ visionis meridiæ potiatur.

Non ergo

copiosis lachrymarum imbribus, quos dolore exsiccata fundere nequis,

Niobe Academica, suda,

Nûm deuoti Mystæ manes, abscessisse inermes, longam in regionem dubitas?

adest præsto Iacobo de Sacra Carmelitarum Familia Angelus,

qui cum Solennitate sua occurrit,

in via sibi Æternitatis, ceu olim Patriarchæ, Spiritus Domini,


copiosam benedictionem largiturus:

ut post transgressum vitæ mortalis, Saluæ factæ animæ, statim

SOL IUSTITIÆ oriatur.

Permissu Magnifici Domini

R E C T O R I S.



Biblioteka Jagiellońska

sldr0013546

